

軼事

青海省地方史志  
資料摘錄集

甘肅全省新通志

卷九十七

志餘 軼事

西羌之本出自三苗姜姓之別也俗無常居依隨水草地少五穀以畜產為業  
氏族無定以父名母姓為種號十二世後相與婚姻不立君臣無相長一  
強則分種為酋豪弱則為人附落更相抄暴以力為雄殺人償死無  
他禁令其兵常在山谷中短於平地不能持久而果於觸突以戰死  
為吉利病終為不祥耐寒苦同於禽獸雖婦人產子亦不避風  
雪性堅剛勇猛得西方金行之氣焉夏后氏曰歐夷殷曰西羌鬼方或  
曰鬼戎周曰犬戎今張掖南山黑番蓋其種落或秦無弋援劍之後而  
忍子九種舞子十一種之末流餘裔也

後涼呂光族西海郡人於諸郡謠云朔馬心何悲念舊中必勞燕雀何

徘徊意欲還故巢遂相煽動乃復徙之樂都

晉書在昔有如弗斯出連叱盧三部自漠南北出大陰山遇一巨蟲於路狀若神龜大若陵阜乃殺馬而祭之祝曰若善神也便開路惡神也遂塞不通俄而不見乃有一小兒在馬時又有乞伏部老父欣然自以有所依憑字之曰紇于紇于者夏言依倚也年十歲驍勇善騎射彎弓五百斤四部服其雄武推為統主號之曰乞伏可

汗託鐸莫何託鐸者言非神非人之稱也其後有祐鄰者即國仁五世祖襲樂都降傳禮之熾盤即國仁從子也

南涼禿髮烏孤稱武威王徙於樂都以金石生時連珍四夷之豪雋陰訓郭倬西州之德望楊統楊貞衛殷翹丞明郭黃郭奮

史嵩鹿蒿文武之秀傑梁祖韓疋張祖郭韶中州之才令金樹  
祥翹趙振王忠趙晁蘇霸秦雍之世門皆內居顯位外宰郡  
縣官方授才咸得其所

南涼禿髮利鹿嗣偽位徒居於西平使記室監糶梁明聘於段  
業業曰貴主先王創業啟運功高先世宜為國之太祖有子何  
以不立梁明曰有子羌奴先王之命也業曰昔成王弱齡周召作宰  
漢熙八歲金霍夾輔雖嗣子幼沖而二叔休明左提右挈不亦可  
乎深明曰宗宣能以國讓春秋美之孫伯符委事仲謀終開有  
吳之業且兄終弟及殷湯之制也亦聖人之格言高代之通式何必  
系已為是紹兄為非業曰美哉使乎之義也

北梁沮渠蒙遜率步三萬伐禿髮儁檀次於西郊大風從西北來  
氣有五色俄而晝昏至顯美徙數千戶而還

蒙遜西祀金山遣沮渠廣宗率騎一萬籠裹烏啼夷大捷還  
蒙遜西至苾苾遣前將軍沮渠成都將騎五千籠裹卑和夷  
蒙遜率中軍三萬繼之卑和夷率眾迎降遂循海而西至鹽池  
祀西王母於寺中有元石神圖命其中書侍郎張穆賦焉銘  
之於寺前遂如金山而歸

後魏趙默字文靜酒泉安彌人先世為西夷校尉涼州平沒入為  
闐人有容貌恭謹小心賜爵開內侯累遷遷部尚書能自謹  
厲當官任舉頗得其人加侍郎進爵河內獻文將傳位京兆

王子推訪諸群臣百官唯唯莫敢先言惟源賀等辭義正直不肯奉詔獻文怒變色復以問默默對曰臣以死奉戴皇太子不知其他文獻默然良久遂傳位於孝文孝文立默得幸兩宮祿賜優厚後出為鎮南大將軍儀同三司定州刺史進爵為王默克已清儉憂濟公私時有人欲行私賂默曰官高祿厚足以自給賣公營私本非情願終無所納帝聞之賜帛五百疋穀一千石後薨於冀州刺史追贈司空諡曰康子熾嗣

馮味道蘭州金城人其先孔子弟子閔子騫之後高祖威魏郡

州刺史封隰成公父直唐華州刺史味道仕則天朝光宅元年

為左肅政台御史大夫李敬業起兵太后問計於中書令裴

炎炎對曰若太后返政則不討自平矣監察御史崔登  
奏炎有異志太后令味道與侍御史魚承暉參鞠之收炎  
付獄以味道檢校內史同鳳閣鸞台三品垂拱元年司門  
員外郎房光敏坐累貶衡州司馬詣宰相自訴味道  
曰此太后處分太后聞之貶味道青州刺史謂侍臣曰君臣同  
体豈得歸惡於君引善自取乎四年復為左肅政台御史大  
夫同鳳閣鸞台平章事味道素不禮於殿中侍御史用  
矩屢言其不能了事會有羅告味道者教矩按之矩謂  
味道曰公嘗責矩不了事今日為公了之味道及其子辭玉  
皆伏誅

夏元昊數諫其父勿臣宋德明輒戒之曰吾用兵久疲矣吾族三十年衣錦倚此宋鬼也不可負元昊曰衣皮毛事畜牧蓄性所便英雄之生當霸王耳何錦倚為明道元年冬十一月德明卒元昊嗣宗遣楊吉授元昊三使封西平王契丹亦遣使冊元昊為夏國王

唃廝囉集兵殺逋哥徙居青唐宋景祐中以唃廝囉為保順節度觀察留後歲以奉餞令秦州就賜元昊侵掠其界兵臨河湟唃囉知衆寡不謀壁鄯州不出陰間元昊頗得其虛實元昊已渡河搆捕幟志其淺廝囉潛使人移植深處以誤元昊及大戰元昊潰而歸士視幟渡溺死十八九所鹵獲甚衆



自是數以奇計破允昊遂不敢窺其境

熙甯中時議取河湟自古渭若按青唐武勝軍應招納蕃部市  
易募人營田等事并令王韶主之韶至秦會諸將以蕃部俞龍  
珂在青唐最大渭源羌與人夏皆欲羈縻之議先致討韶因  
按邊引數騎直抵其帳諭以成敗遂留宿明日兩種皆遣  
其豪隨韶以東龍珂率其屬十二萬口內附自言平生聞  
包中丞朝廷忠臣乞賜姓包氏帝如其請賜名順

元帝師八思巴自其祖朵栗赤以其法佐國主霸西海者十餘世八

思巴生七歲誦經數十萬言能約通其大意國人號之聖童故

八思

名巴少長學富五明故又稱曰班彌怛歲癸丑年十有五謁

元世祖於潛邸與語天悅日見親禮中統元年世祖即位尊為國師授以玉印命製蒙古新字字成上之其字僅千餘其母凡四十有一其相關紐而成字者則有關韻之法其以二合三合四合而成字者則有語韻之法而大要則以諧聲為宗也至元六年詔行於天下

明設茶馬金牌一十六面以其上號藏內府下號給曲先等四衛及申藏等十三族其文左曰皇帝聖旨右曰不信者斬每三年一遣京官齎奉合符凡徵馬三千五百匹上馬酬茶一百二十斤中馬七十斤下馬五十斤歲給甘鎮馬千九百匹以供征操

明西甯千戶李系家丁有李未苟者膽勇過人才技尤絕善長牙擲

索能於五十步外縛人馬故臨戎能以少勝多敵望旗畏避千  
戶善相馬正德七年閏五月夷犯西川一黑面金環酋騎馬白橫  
長矛呼吼馳驟數逼官軍勢甚武一軍色動千戶見之謂李  
未苟曰賊所乘良驥也若持索候近河灌木南我挾一矢馳誘之  
酋逐千戶灌木回射中首喉未苟擲索獲其馬千戶乘之喜  
曰報效之力也後千戶薊番遇害未苟亦從死焉

明季流賊陷蘭州肅王走河湟萬山層疊值夜難進忽見燈火出茅  
舍間遂望闕投止一姥迎入持火進具及曉視之乃在灌莽中知為  
神額拜而去

懷阿爾賴世牧青海上聞洪水開市色喜驅馬數千移帳甘州白

石崖口外之野馬川引弓之士三千已而入踞大草灘之烏支山  
邊吏爭之命達賴喇嘛往視分界樞部理藩文武咸集皆謂  
內地不宜侵佔懷阿爾賴拔佩刀砍地曰前明漢江山獨我不可得  
一片土天何用生我為卒不肯離大草灘于是中國增官兵頓在  
大草灘四隅頃之甘涼路梗邊吏對壘而軍二旬不解一日使命方  
往來出其不意突發大礮其馬驚不可控始大潰去老婦稚子  
落後者皆被追戮即世傳定羌廟之捷也

軒

麥力幹黃台吉來力幹其祖據青海有衆萬人麥力幹與諸父兄  
三分其軍皆為黃台吉麥力幹分地在青海北與西甯莊浪涼

州接壤聞大同姜瓖變延慶聞羣起應吳三桂乃糾合諸部

謀大舉為諸父達賴黃台吉所禁不敢發然招納亡命歸  
附者益衆于是築宮于大通河源即又入據涼州之黃城  
兒素與妻兄祝囊相厚曰南有我北有祝囊何事不可為  
以小利餌諸夷各部咸聽命冀達賴黃台吉死一逞其志無何  
疾作入涼州之水磨川求醫藥氈帳交于通衢所部馬有踐  
禾者召田主牽其馬去曰以償汝仍鞭縱馬者百十近地軍吏皆  
持羊酒麩進乃曰杯酒片肉俱軍士身上扣來者我何忍食悉  
不受河西之兵聞之多泣下未幾死于水磨川時康熙二

十三年也

達賴黃台吉生長海青上與黃衣僧謀經父死襲黃台吉分

却引了之土甫三千分地直接西甯邊界素不侵犯晚年  
部落增至六七千無貧乏者西甯市口西域回夷相雜處多  
爭端乃使宰僧持其平銀塔寺生菩提樹葉皆成佛像  
出黃白金三裹之漢土番夷咸不敢盜取年五十髮多白乃悉  
屏絕婦女一意學清淨及逾八旬髮又黑面如童稚  
精力百倍云

青海周回千餘里海內有小山每冬冰合後以良牝馬置此山至來  
春收之馬皆有孕所生得駒號為龍種必多駿馬吐谷渾  
嘗得波斯草馬放入海因生驄駒能日行千里世傳青海  
驄者是也

扁豆口南五十里有野馬川出野馬古所稱駟駮者也俗呼野子  
唐貢其革曰野馬之皮

青海駐牧蒙古見海中有物牛身豹首白質黑文毛雜赤綠躍浪勝  
波迅如鷲鷁近岸見人即潛入水中不知其為何獸也

青海每歲長至前數日水無纖冰一夕聞轟轟大礮聲作自海中

震大動地詰朝視之滿海凝冰如萬頃琉璃迨至立夏前

數日轟轟音如前一宵凍解水光澄碧曾無點漸其節氣  
之驗如此

星宿海形如葫蘆腹東口西東南匯水汪洋西北乱泉星列合為  
一体狀如石榴蓮子每月既望之夕天開雲淨月上東山光

浮水面就岸視之大海汪洋湧出一輪水鏡億千萬百明  
泉掩映又似大珠小珠落玉盤也少焉風起波面銀絲散渙  
素練分裂眩目駭心真塞外奇觀也



.4